

أداو سيدنا

1 اليوم الأوّل ثَع السّمانَة، جات مريم المجدليّة للقبّر الصّباح بكري كي كان مازال الضّلام، وشافّت الحجرة منّحية عالقبّر. 2 جات تجري عند سمعان بطرس والتلميذ الآخر اللي كان يسوع يحبو وقاللهم: "أداو سيدنا مالقبّر وماراناش عارفين وين حطوه" 3 خرّج بطرس والتلميذ الآخر وجاوا للقبّر، 4 كانوا يجربو بصّح التلميذ الآخر سبق بطرس ووصل الأولاني للقبّر، 5 طابس وشاف الكفن محطوط بصّح ما دخلش. 6 ووصل سمعان بطرس تاني ودخل للقبّر وشاف الكفن محطوط نمة، 7 والمنديل اللي كان على راس يسوع ماكانش مع الكفن، كان ملفوف ومحطوط على جيه، 8 التلميذ الآخر اللي وصل الأولاني دخل تاني للقبّر وشاف وآمن، 9 خاطر كانوا مازال ما فهموش وين مكتوب باللي يسوع كان لازم يقوم ما بين الموتى، 10 وعاودو راحو لذيّارهم.

زوج ملايكة

11 مريم وقفت برّا عند القبّر تبكي، وكي كانت تبكي طابست جبهة القبّر، 12 وشافّت زوج ملايكة قاعدين بالببيض وين كان يسوع محطوط، واحد عند الراس والآخر عند الرّجلين، 13 قالولها هوم: "يا مرأ، وعلاش راكي تبكي؟" قاللهم: "سرقو سيدي ومارانيش عارفة وين حطوه"

يسوع يقوم

14 كي قالت هاد الشّي، دارت للور وشافّت يسوع واقف وما عرفاتوش باللي هو. 15 قاللها يسوع: "يا مرأ، وعلاش راكي تبكي؟ على من راكي تحوسي؟" حسباتو الفلاح ثَع الجنان وقالتلو: "يا سيّد، ولا كنت أنت اللي أديتو، قوللي وين حطيتو وأنا نديّه" 16 قاللها يسوع: "مريم" دارت هي وقالتلو بالعبريّة: "ربّوني" ومعنتها شيخ، 17 قاللها يسوع: "ما تمسّينيش خاطر مازال ما طلعتش للأب، بصّح روجي عند خاوتي وقوليلهم راني طالع عند بابا وباباكم، عند إلهي وإلهكم" 18 جات مريم المجدليّة للتلاميذ وقاللهم: "شفّت الربّ" وخبرتهم بواش قاللها

19 هداك النهار مع العشيّة، كان النهار الأوّل ثَع السّمانَة، كانوا التلاميذ غالقين الببيان مالخوف ماليهود، وجا يسوع وقف فالوسط وقاللهم: "سلام ليكم" 20 قال هاد الشّي

وورّاهم يديّيه وجنبو وفرحو التلاميذ بزّاف كي شافو الرب. ²¹ زاد قاللهم: "سلام ليكم،
كيما بعنتي الأب، أنا تاني نبعتمكم" ²² وبعد ما قال هاد الشئ، نسف فيهم وقاللهم: "نالو
الروح القدوس، ²³ اللي تغفرولوهم ذنوبهم يتغفرولهم، واللي تحكمو عليهم ذنوبهم
يتحكمو عليهم".

توما

²⁴ وكان توما واحد مالطناش ويعيطولو "التومي" وماكانش معاهم كي جا يسوع. ²⁵
قالولو التلاميذ الآخرين: "شفنا الرب" هو قاللهم: "لوكان ما نشوفش في يديّيه الشامة نع
المسامر ونحط فيها صبعي، ونحط يديّيه في جنبو ما نامنش" ²⁶ بعد ثمن أيام، زادو
كانو التلاميذ فالدار وكان توما معاهم. جا يسوع وكانو البيبان مغلوقين؛ وقف فالوسط
وقال: "سلام ليكم" ²⁷ أو مبعد قال لتوما: "جيب صبعك اللهنا وشوف يديّيه وجيب يدك
وحطها في جنبو وما تشكش، آمن" ²⁸ واجب توما وقاللو: "ربي وإلهي" ²⁹ قاللو
يسوع: "كي شفنتي أمّنت؟ يا سعد اللي ما شافوش وآمنو" ³⁰ دار يسوع فدام التلاميذ
تعو مرات واحدوخرين بزّاف ماراهمش مكتوبين فهاد الكتاب، ³¹ هدو اللي راهم
مكتوبين، نكتبو باش تامنو باللي يسوع هو المسيح ابن الله، وباش كي تامنو ثنالو الحياة
بأسمو.